

Uslovi akcije „Sloboda iznad svega – studentska ušteda uz BH Telecom!“

Član 1 Predmet ovih Uslova

- (1) Ovi „Uslovi akcije „Sloboda iznad svega – studentska ušteda uz BH Telecom!““ (u daljem tekstu: Uslovi) utvrđuju uslove/pravila/cijene i ostale specifičnosti korištenja benefita/pogodnosti koje Korisnici mogu ostvariti u okviru promotivno-prodajne akcije „Sloboda iznad svega – studentska ušteda uz BH Telecom!“ (u daljem tekstu: Akcija).
- (2) Za sve što nije regulisano ovim Uslovima na odgovarajući način će se primjeniti odredbe Opštih uslova za pružanje telekomunikacijskih usluga BH Telecoma (u daljem tekstu: Opšti uslovi), Cjenovnika usluga u unutrašnjem i međunarodnom saobraćaju BH Telecoma (u daljem tekstu: Cjenovnik) i pripadajućih specifičnih uslova od usluga BH Telecoma koje Korisnik koristi.
- (3) Sa aspekta ove Akcije i Uslova, pojam „Korisnik“ označava:
 - a) novi korisnici (fizička lica) koji u toku Akcije podnesu zahtjev za prenos svog mobilnog broja iz neke od mobilnih mreža unutar BiH u mrežu BH Telecoma te zaključe ugovor sa obaveznim trajanjem za neki od paketa sa kombinovanim načinom plaćanja (Student NET ili Student NET+), uz uslov da posjeduju Debit Student Standard karticu od UniCredit Bank d.d. koja počinje brojem 543676;
 - b) postojeći prepaid korisnici BH Telecoma koji u toku Akcije podnesu zahtjev za zaključenje ugovora sa obaveznim trajanjem za neki od paketa sa kombinovanim načinom plaćanja (Student NET ili Student NET+), uz uslov da posjeduju Debit Student Standard karticu od UniCredit Bank d.d. koja počinje brojem 543676.

Član 2 Ugovor

- (1) Ugovor po osnovu ove Akcije se zaključuje na neodređeno vrijeme, a sa obaveznim trajanjem ugovornog odnosa od 24 mjeseca, što je uslov za ostvarivanje benefita iz Akcije.
- (2) Prijevremeni prestanak/prekid ugovora za ugovoreni paket, zbog razloga za koje je odgovoran Korisnik (na zahtjev ili krivicom Korisnika), podrazumijeva penale koji su utvrđeni u daljem tekstu ovih Uslova.
- (3) Po isteku obaveznog trajanja ugovornog odnosa po osnovu ove Akcije ili po isteku trajanja benefita, Korisnik nastavlja koristiti uslugu po važećem Cjenovniku, odnosno ne ostvaruje benefite iz ove Akcije.
- (4) Benefiti Akcije se ne mogu ostvariti na postojećem priključku koji je već pod obaveznim trajanjem ugovornog odnosa po bilo kojem osnovu (po osnovu kupovine terminalne opreme i uređaja iz asemblirane/partnerske ponude i/ili po osnovu drugih promotivno-prodajnih ponuda BH Telecoma i/ili po osnovu obaveznog trajanja ugovora od 24 mjeseca u skladu sa Cjenovnikom i sl.), osim u slučaju kada bi pretplatnik raskinuo takav ugovor, što bi podrazumijevalo plaćanje penala te zatim ugovorio neki od paketa obuhvaćenih Akcijom.

Član 3 Benefiti

Korisnicima koji po osnovu Akcije zaključe ugovor o korištenju Student NET ili Student NET+ paketa na period od 24 mjeseca, obračunava se popust u visini od 50% na iznos mjesečne naknade za izabrani paket u prvih 12 mjeseci ugovornog odnosa.

Član 4

Pravila/uslovi za benefit 50% popusta na mjesečnu naknadu

- (1) Uslov za zaključivanje ugovora po osnovu Akcije, to jeste, za dodjelu benefita iz Akcije je da Korisnik ima vlastitu Debit Student Standard karticu od UniCredit Bank d.d. koja počinje brojem 543676.
- (2) Korisnik je dužan pokazati svoju Debit Student Standard karticu na uvid prodajnom osoblju BH Telecoma prilikom podnošenja zahtjeva za ugovaranje usluge po osnovu Akcije.
- (3) Benefit 50% popusta na mjesečnu naknadu se obračunava na cijenu osnovne opcije Student NET/NET+ paketa iz Cjenovnika koja važi za ugovor bez obaveznog trajanja, to jeste, ne obračunava se na iznose koji važe uz ugovor sa obaveznim trajanjem za ostale opcije u skladu sa Cjenovnikom i Prilogom 6.2.2. Specifični uslovi mobilne telefonske usluge sa kombinovanim načinom plaćanja.

Član 5

Raskid ugovora

U slučaju prijevremenog prekida ugovora sa obaveznim trajanjem po osnovu Akcije (benefit 50% popusta na mjesečnu naknadu), iz razloga za koje je odgovoran Korisnik (na zahtjev ili krivicom Korisnika), Korisnik je, pored izmirenja obaveza definisanih Cjenovnikom i Opštim uslovima, obavezan BH Telecomu jednokratno platiti ukupan iznos dodijeljenih popusta za mjesec u kojima je koristio uslugu.

Član 6

Završne odredbe

- (1) Ovi Uslovi dostupni su na prodajnim mjestima BH Telecoma i na službenoj internet stranici BH Telecoma.
- (2) Ovi Uslovi se primjenjuju od prvog dana trajanja Akcije i ostaju na snazi sve dok postoje prava/obaveze ugovornih strana po osnovu Akcije, Cjenovnika i/ili Opštih uslova.